

金陵世紀

漢書門
九
〇
九
冊架函號類

元	九
〇	九
冊架函號類	

內閣文庫	
番號	漢 9094
冊數	4 (1)
函號	292 15

292-15



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



金陵世紀序

人有恒言郡邑志者古史流也凡

百郡邑宜有志



淺草文庫

國家二百年世平治洽優游少事

官府取其餘力以事文墨故能

窮山下是注、有志至多不可

計矣而長老所相傳稱者惟康



懷涵之武功王敦夫之鄂孫何
仲嘿之雍大記崔子鍾之彰德
童肉方之洛陽邵國賢之許
州外是而茂有聞焉是可易言
已哉故陳公魯南著金陵世紀
不蔓芳援不浮獎所質直簡確一披
卷而數千年之蹟俱在是因

所謂數家者類哉陳公南京人
嘗手繪金陵圖鏤板以傳而續
為是書又善如此固知生其地
躬履目覩占傳聞異詞者遠也
而金氏在衡更加校讐玉陽史
君為壽之梓事垂久遠可期也
二君誠有力哉紀凡四卷分類一

十有八陳云庶官文章皆前有
著茲不具詳也

隆慶三年首夏

賜同進士出身奉政大夫南京禮部
儀制清吏司郎中前翰林院
檢討順陽李荦纂

金陵世紀目錄

一卷

- 紀都邑 一
- 紀城郭 二
- 紀宮闕 三
- 紀郊廟 四

二卷

- 紀官署 五
- 紀廳泮 六
- 紀衢市 七
- 紀第宅 八
- 紀樓宇 九

三卷

- 紀山川 十
- 紀驛路 十一
- 紀津梁 十二
- 紀臺苑 十三

四卷

紀陵墓四十紀祠祀五十紀寺觀六十紀雜遺七十

紀賦咏八十

西都有三輔黃圖東京有夢華錄臨安有武林遺事金陵六朝迭興

皇明肇定神鼎不有大紀何以自別故首都邑城郭宮闕郊廟以大神廟之區次官署廳泮衢市第宅樓宇以別規制之等次山川驛路

津梁臺苑以表畿土之會次陵墓祠祀寺觀以稽經代之遠附雜遺以標名物之盛終賦詠以表賢哲之迹而名之曰金陵世紀
嘉靖丁酉春日石亭陳沂識

金陵世紀卷之一

鴻臚署丞練溪陳師儉考訂
翰林侍講石亭陳沂編輯
太僕少卿王陽史際校梓
上元逸史白嶼金鸞增補

紀都邑其一

唐虞夏商

揚州之域

周

揚州之域

越滅吳城於長干里

楚滅越置金陵邑於石頭

秦

揚州 鄣郡

改金陵邑為秣陵縣始皇東遊會稽過吳從

江乘浦渡置江乘縣

西漢

揚州 置刺史

改鄣郡為丹陽郡治建業秦淮之南改秣陵縣為建業郡

孫吳

揚州 置牧 丹陽郡 置太守

吳郡

後漢末封孫策為吳侯弟權據有江東黃龍元年遂徙為都宮城在淮水北五里據覆舟

山 吳志張紘謂孫權曰金陵地形有王者氣宜為都邑後劉備東宿秣陵亦勸都焉權

曰智者志同諸葛孔明亦云鍾阜龍盤石城
虎踞帝王之宅遂為都四世凡六十年

東晉

揚州初徙治石頭後築城東南臨淮水上名
東府城舊治為西州城 丹陽郡置尹

晉都

晉元嘉元年陳敏亂以琅邪王睿為都督揚
州軍事鎮建業至建興間受愍帝詔即晉王
位改元建武明年愍帝凶聞至始即帝位建

都避愍帝諱改建業為建康宮城仍吳之舊
置琅邪郡領臨沂即丘陽都德懷八縣僑置
淮南魏廣州高陽棠邑南東海南東平南蘭
陵八郡

宋齊梁陳

揚州 丹陽郡如故領江寧丹陽建康秣陵
句容溧陽建興郡領建安同夏烏山江乘臨
沂湖熟

建都仍晉宮城

隋

改江都為揚州 廢丹陽郡置蔣州於石頭

唐

江南東道 丹陽郡廢郡後蔣州又折置江
寧郡廢復置昇州初改江寧縣為歸化又為
金陵折其地為建業徙為白下仍為江寧又
廢為上元

南唐

改昇州為金陵府又改為江寧府
南唐都 初偽吳楊行密子溥將徐溫領昇
州改築城郭溫假子知誥篡吳以府治為宮
國號唐復姓李更名昇

宋

江南東路 江寧府治上元江寧句容溧陽
溧水五縣

南宋

江東路 建康府領縣同

留都 建炎三年宋失河北改江寧為建康

府以府治為行宮 置官都督宣撫制置安撫諸司皆寓治於此

元

江浙行中書省 城中置錄事司與上元江寧分治

江南道 集慶路置總管領屬同陞溧陽溧

水為州

國朝

京都 改集慶路為應天府置尹領江寧上

元句容溧陽溧水江浦六合高淳八縣 高淳後設

聖祖龍飛初定鼎于茲

太宗遷鼎于燕為京師應天為南京

紀城郭 其二柵壘附

古越城在秣陵縣長千里宋江寧縣尉廨後

淮水南一里半與天禧寺對城周二里八十

步

圖經嘉祐實錄石邁事迹所載宮苑記周元王四年越相范蠡所築越絕書即吳牙門將軍陸機宅城在三里岡東南瓦棺寺閣在岡東偏也

楚金陵邑城即石頭城處

周顯王三十六年楚威王滅越私吳越之

富擅江海之利置金陵邑於石頭秦滅楚屬鄣郡漢封韓信於楚六年廢

漢丹陽郡城按吳苑記去長樂橋東一里南臨

大路長樂即今武定橋東南有長樂巷蓋東

城角之內外皆是城周一頃闢東南北三門

漢志元封二年置丹陽郡治宛陵建安二十六年始自宛陵徙治建業晉太康中乃傍淮

築城宋齊梁陳因之

古都城吳大帝所築在淮水北五里據覆舟山

下東環平岡西城石頭後帶玄武湖前擁秦

淮周迴二十里正門曰宣陽又南五里至淮

水為大航門時都城皆設籬曰古籬門宮之

後有苑城黃龍元年自武昌徙都築城始

金城即上元縣金陵鄉○吳後主寶鼎二年以靈輿法駕迎神於明陵使丞相陸凱

奉牲醴祭於近郊後主於金陵門外露宿明陵乃後主父故太子和陵也○蔡曰金城賦

云遊金城以愴然問種柳之何在咲吳王之信巫乃露宿於門外○晉成康中桓溫鎮江東之金城種柳後北伐還過金城見柳已十圍悽然嘆曰物猶如此人何以堪攀枝執條為之流涕

吳冶城即今朝天宮地相傳為吳鑄劍之所一云夫差之吳一云孫權之吳

東晉建康城因吳之舊正陽仍宣陽門宣陽之左有開陽清明二門右為陵陽東曰建春東陽西曰西明閶闔北曰廣莫玄武延熹大夏

凡十二門宮城正門曰大司馬門與宣陽門相對

臺城即吳苑城晉成帝咸和中脩繕為宮周八里

南朝都城東晉亡宋齊梁陳相繼為都不改其舊宋於臺城東西開萬春千秋二都門城十二門皆仍其名

古揚州城晉永嘉中自曲河遷於建康即西

州城

建康實錄城所置西為冶城東為運瀆今朝天宮西州橋處

東府城

徙揚州城於古青溪橋東南臨淮水周三里

九十步

晉安帝義熙十年冬徙揚州治於此名東府城舊城為西州城○宋武帝

領揚州以此城居彭城王義康文帝元嘉中義康更開拓北塘浚西塹自後常為宰相府

景和中改為未央宮○明帝時建安王休仁鎮東府訛言東城出天子帝恩殺休仁閉東

府不居桂陽王休範反車騎典籤茅恬開東府納賊○齊高帝封齊王為齊宮○梁太清

三年侯景舉兵毀○陳天琅邪城晉元帝處嘉中更徙東三里陳亡廢琅邪城晉元帝處

國人之隨渡江者

津南徐州記江乘南岸蒲州琅邪城即句容琅邪

鄉相接地仍在上元僑寓臨沂懷德諸廢縣城俱在上元縣東

北秣陵城

宮城南八里一百步小長干巷內

建鄴城

晉大康三年分

秣陵淮水北為建鄴縣在宣陽門內古御街東

白下城

近琅邪本江乘之白石壘

湖熟城

鄉古縣治也

檀城

在上元縣清風鄉黃城橋之西本謝

玄別墅太傅安賭碁所勝處亦曰墅城宋檀道濟所居之處故名

五城

一在東南

二十五里晉王敦敗王含錢鳳率餘黨自柵塘西置五城一在石頭唐韓滉觀察江東自

京口至上山修壘壁

蔣州城

在石頭隋平陳建五城雒相望

唐趙郡王孝恭輔公拓於此城置揚州大都督府上元縣城昇州城皆因以為治後廢

南唐城

初偽吳揚行密子溥在唐末取昇州後

城近南截青溪水於內外貫秦淮於城中西

今聚寶門東以白下橋為限即今大中橋為

東門北以玄武橋為限即今北門橋為北門

石晉天福元年為吳天祚二年溫假子知誥

改姓李名昇篡吳國號唐為都城宋元城皆

之國門今高座寺東南澗橋北越城南在望

國門南史侯景犯建康令羊侃籬門宮苑記

北兩岸設籬門五十石闕晉元帝於宮前立

六所邑之郊門也石闕不復立宋孝武大明十

年於博望梁山為天關不復立宋孝武大明十

秦淮柵即柵塘也吳時夾淮立柵梁天監青

溪柵在古城東蘇峻亂燒去柵下壺父新亭

壘去城西南十二里新亭岡處○宋孝武入

險○元徽二年桂陽王休侯景故壘在柵樹

輒舉兵蕭道成築新亭壘侯景故壘在柵樹

古大航城在其南○紹泰元年北齊兵至建

康陳霸先問計帝載曰可於淮南因侯景故

壘築城以通轉輸乃遣載於賀若弼壘陳賀

韓擒虎壘

在石城西四里

熙中盧循反劉

裕築此壘拒之

國朝都城

皇明定都大建城闕城之城惟南門大西水西
三門因宋之舊更名聚寶石城三山自舊東
門處截壕爲城開拓八里增南門二曰通濟
正陽自正陽轉北建東門一曰朝陽從鍾山
之圍繞而西抵覆舟山建北門曰太平又西
擬覆舟鷄鳴山緣湖水以北至直瀆山西八
里建北門二曰神策金川西北括獅子山於

內雉堞東西相向建門二曰鍾阜儀鳳自儀
鳳迤邐而南建定淮清涼二門以接舊西門
而周九十六里外郭西北據山帶江東南阻
山控野闢十有六門東六曰姚坊仙鶴麒麟
滄波高橋上方南六曰夾岡雙橋鳳臺馴象
大安德小安德西一曰江東北三曰佛窻上
元觀音周一百八十里

皇城在都城內之東鍾山之陽正南門與都城

正陽門直對曰洪武內承天門端門與子城
午門直對左曰東長安門右曰西長安門橫
過承天門之前東近北曰東華門內東上南
門東上北門西近北曰西華門內西上南門
西上北門曰玄武門內北上東門北上西門
子城之門見宮闕紀

紀宮闕 其三

吳太初宮正殿曰神龍南五門正中曰公車次

東曰昇賢更東曰左掖次西曰明陽更西曰

右掖東面正中曰蒼龍西面正中曰白虎北

面正中曰玄武北直對臺城西掖門前路東

即古御街有臨海諸殿周迴五百丈建康實錄吳大帝

昭明宮始謂之新宮周五百丈與太初宮相

望後主移居之吳志後主甘露二年起新宮

於太初之東二千石已下皆入山督伐木又攘諸管地開苑起山作樓觀飾以金玉開北渠引後湖水入內旋繞堂殿

伎巧窮極
功費萬倍

南宮吳太子宫在南赤烏二年大帝適南宮

赤烏殿在昭明宮內時赤烏見因名

晉建康宮初元帝即太初宮為建康宮成帝咸

和七年新宮成亦名又顯陽宮在法寶寺南

實錄云即臺城也內外殿宇大小三千五百間南向二門東西北各一門

永安宮即吳東宮在臺城東南

宮苑記云在臺城東華門

外孝武太元二十一年作東宮本東海王第安帝立以何皇后居之桓玄拆其材木移入

西宮以其地為細柳宮

太極殿建康宮之大殿也十二間象一歲之

月梁武改製十三以象閏高八丈長二十七

丈廣十丈竝以錦石為砌東西有太極東西

堂各有閣方庭六十畝

考證云太極殿周制路寢堂魏制小寢也

晉記曰謝安造殿欠一梁忽有梅木流至石

城下乃成畫梅於上以表瑞實錄云謝安欲

王獻之題榜於言乃謂魏韋仲將懸虛堯書

凌雲臺以諷之獻之曰仲將魏之大臣寧書

此事有之知魏德之不長也遂止中興書云

郭璞云二百一十年此殿為奴所壞後為梁

武毀之梁武捨身為奴

清暑殿在臺城內晉孝武造重樓複道通華

林園爽塏奇麗莫比

宋親鸞宮在上元鍾山鄉閣婆寺前紗市中南史

云宋大明三年立皇后鸞宮於西郊四年三月皇后親鸞於郊嘉禾殿宋孝

武五年清暑殿西薨生嘉禾一枝五莖改名

嘉禾殿

玉燭殿含章殿皆宋武所造在宮中孝武帝女壽陽

公主於人日卧含章殿簷下有梅花落公主額上成立出拂之不去經三日洗乃落他女

奇其異競效之作梅花粧紫極殿明帝造珠簾金柱江左所未有

齊世子宮齊武帝為世子時以石頭城為宮

顯陽殿昭陽殿鳳莊殿乾光殿顯陽昭陽二殿本太后皇

后所居永明中無太后皇后皆貴妃居之上數遊幸諸苑載宮人從卓後宮內深隱不聞

鼓漏聲置鍾於景陽樓上芳樂殿在臺城內官人聞鍾悉起妝束以候

齊史東昏侯大起芳樂王壽諸殿以麝香塗壁刻畫粧飾窮極綺麗後者自夜達曉猶謂

不速後宮服御極選珍奇府庫舊物不復周用民間金寶價皆數倍鑿金蓮華地今潘妃

步步之謂靈和殿在臺城內益州刺史劉浚獻

靈和殿下三年柳成枝條柔弱狀如絲

梁金華宮在青溪東去臺城二里輿池志大同中築陸襄傳

昭明太子薨官屬罷妃蔡氏別居金華宮五

明殿在臺城內梁大通中有四老鶴衣躡履

召入儀賢堂賜沐衣以御衣昭明太子喜日

為四公子移入此殿更重之大同末魏使崔

敏來聘敏博瞻儒釋天文醫術帝選十人於

此殿推論三教百家六籍五運九十餘日崔

敏忘精喪神傷心嘔披香殿在臺城內後宮

血歸未及境而卒

庾子山詩宜春苑中春重雲殿梁武帝造在

已歸披香殿裏作春衣

華林園陳書云高祖三年戊辰重雲東吻有

紫烟出燭天隋志云前殿有銅渾儀

是偽劉曜光初六年南陽孔挺林攷殿在覆

所造何承天以為張衡所造

舟山前光嚴殿在景陽山東建康宮鳳光殿

闕簿載光華殿寶雲殿皆在臺城內官闕簿云大通

陳求賢殿在臺城內後主皇后沈居之后字務

好學孔貴妃為寵后無怨色衣無綺繡惟事

佛書典籍詩賦名畫而已陳亡隨西遷後主

閣七間寶雲殿仍在內作佛事

取珠貨直百萬於光嚴殿後起重

薨后自作哀冊文辭甚酸苦朝賢痛之安德宮在宣陽門外苑

記陳宣帝為文皇后築在都城梧園宮別館

西南角外隋移江寧縣於此未央

有梧楸成林云在句容縣不詳所在任未央

昉述異記古樂府云梧宮秋吳王愁未央

諸宮南史宋廢帝景和元年以東府城為未

章宮以南第青溪宮在青溪上南史齊武帝

為長楊宮生於建康之青溪

宋起正福清曜等殿於臺城起永正溫文文思

壽安等殿於溫德門內梁起惠輪殿陳起昭

德嘉德壽安乾明有覺等殿皆奉佛事宮闕

又有三善長春勝辨等殿又為嘉禾崇政承

香栢梁延昌神仙永壽七賢璿明延務龍先

至敬璇璣先昭大政栢香諸殿

南唐宮在今內橋北五代史清泰元年吳徐知

居于私第虛舍以待吳王吳王詔知誥還府

舍甲申大火乙酉又火知誥疑有變勒兵自

衛巴刃復入府舍天福二年知誥建太廟社

稷牙城曰宮城堂曰殿南唐書即金陵府為

宮惟加鴟尾欄檻而已終不改作江南野錄

初臺殿各有鴟吻乾德以後天王使至去之

還復用通鑑長編慶曆八年江寧府火李璟

既而火知府事李宥懼有變闔門不救
延燒幾盡惟存一便殿乃舊玉燭殿也

宋行宮即南唐宮地

宋天禧二年真宗詔以昇州為江寧府冊命皇太子

行江寧尹克建康軍節度使追封昇王仁宗即位進昇為大國建炎元年李綱請以建康為宋二年駐蹕神霄宮詔改江寧府為建康府紹興二年李光即府舊治為行宮創後殿

宮門之內寢殿南為朝殿寢後有復古殿東

宮之後孝思殿復古殿西小射殿御教場北

大射殿

國朝宮殿規制

大內六門正中曰午門左曰左掖右曰右掖東

曰東安西曰西安北曰北安午門之內大殿

之前曰

奉天門左小門曰東角右小門曰西角東西隅

有樓東角之南曰左順門西角之南曰右順

門奉天門內

奉天殿東曰文樓西曰武樓殿之左曰中左門

殿之右曰中右門大殿之後曰

華蓋殿華蓋之後曰謹身殿左順門之東曰文
華殿右順門之西曰武英殿謹身之後為

乾清宮後曰坤寧宮又柔儀春和二殿見京城圖志

紀郊廟其四壇社附

吳太元元年始祭南郊在秣陵縣南十餘里建康

實錄秣陵縣南有郊壇村即吳南郊地吳志大帝時羣臣奏宜郊社以承天意帝曰郊社宜中土奏曰普天之下莫非土土文曰都豐鎬非中土也不聽終吳之社郊祀廟社皆缺無可紀者

晉元帝建武二年定郊兆於建鄴之南太興二

年立於城南十餘里在長樂橋東籬門外三

里司徒荀組擬漢獻帝都許即便立郊自宜於此脩奉王導等皆從組議始立郊於已

地制度皆太常賀循所定唐會要建鄴之南去城十里一壇之上尊卑雜位千五百神世

傳郭璞卜立之大寧三年議立北郊未就咸通八年

成帝追述明帝立於覆舟山南制度一如南

郊宋書江左未立北郊地祇衆神共在天郊南郊五帝之佐日月五星二十八宿文昌

北斗三台司命軒轅后土太乙天乙太微鈞陳北極雨師雷電司空風伯老人六十二神

北郊五岳四望四海四瀆五湖五帝之佐沂
 山嶽山白山霍山醫無閭蔣山松江會稽山
 錢塘江先農四十四神文帝元嘉六年奏省
 四望松江五湖其鍾山白石既土地所在並
 留如 **太廟在秦淮西** 晉元帝十六年改築太
 廟中宗置郭璞遷定帝嘗嫌廟迫淮水西逼
 路欲依洛陽改入宣陽門內尚書僕射王珣
 奏為龜筮不違帝從之 **太社太稷壇** 元帝建
 開墻東西禪四十丈 **太社太稷壇** 武元建
 初立宗廟社稷在古都城宣陽門外郭璞卜
 遷之左祖右社玄風觀在太社西偏對太社
 右街東廊即太廟也社立 **雩壇** 晉穆帝永和
 三壇帝社太社各一稷一 **雩壇** 中議制依南
 郊之 **禘壇石** 通典江東太廟門北有竹葉文
 石也

郊禘石也

宋孝武大明三年遷郊兆於秣陵牛頭山西在

宮之午地

尚書左丞徐爰議郊祀之位遠古

初甘泉河東裡埋失位終亦徙於長安南北
 光昭紹祚定二郊於洛陽南北晉氏過江悉
 在北及郊兆之議紛然不一又南出道狹未
 聞開闢遂於東南巳位創立丘壇皇宋受命
 因而即改但居民之中非邑外之謂今重造
 舊畢新南驛宜郊正午以定天位乃陟於秣
 陵牛頭山在宮之午 **移北郊於鍾山北原在**
 地也廢帝復移舊處 **鍾山定林寺山顛有平基二所濶數十丈即**

其地

宋太祖以晉北郊為樂遊苑移於湖塘西北其地卑下移於白石村後又移於

北原太廟太社皆仍晉舊

梁武帝即位南郊為壇在國之陽常與北郊間

歲普通六年改作南北郊隋志梁南郊壇高一丈下徑十八丈其外開壝四門運曆圖云

大通五年郊祀異香三至神光五色圓照滿壇北郊為方壇上方十丈下方十二丈高一丈四向各有陛外為壝再重

廟社仍舊

雲壇天監九年有事雲壇遂移於東郊在藉

田之域內武帝以雨為陰類求之正陽其謬則雲壇應在東方祈晴亦宜於此

籍田壇在東郊十五里

普通二年移籍田於建康北有便殿齋省

望畹壇祈年殿沃野千里

明堂

晉元帝受命中興宜享明堂宗祀之禮大明五年有司奏國學之南地實丙祀

已爽塏平暢足以營造惟有二間以應曆數但作大殿屋雕畫無古三十六戶七十二牖

之制是年五月作宮苑記在博士省南太廟南為國學國學南為博士省○梁武帝天監

十二年詔明堂地卑濕可量就埤起

陳武帝修繕南郊圓壇高二丈二尺五寸上廣十丈柴燎白天

明堂焚毀盡匠作宇文愷量臺趾丈尺奏聞

南唐郊壇即梁故處在長樂鄉去城十二里

國朝

天地壇在正陽門外之左初建園丘方丘於中

都洪武門外之東分祀後

聖祖謂王者父天母地無異祀之理乃建壇于

此合祀左右列日月星辰四壇外列五嶽五

鎮四海四瀆風雲雷雨山川太歲歷代帝王

天下神祇城隍之神從祀壇制闢四門而繚

圍列壇中圓壇之上為大祀殿前為齋官大

垣之左列神樂觀樂舞禮生設犧牲所養犧

太廟在端門之左廟街門之內

社稷壇在端門之右社街門之內

聖祖謂五土生五穀以養民故合祀於一壇正

間因以順天府為京師以應天為南京許

應天府立社稷乃立郡社於金川門外

